

UGOVOR **o nabavci usluga izrade Projekta**

Zaključen u Bihaću između:

NARUČILAC: JP „AERODROM BIHAĆ „d.o.o. Bihać, sa sjedištem u Ulici Bosanska broj 4, 77 000 Bihać, koje zastupa direktor Elvedin Sedić (u daljem tekstu: Naručilac) s jedne strane
Identifikacioni broj 4263725930009

I

IZVRŠILAC (Nosilac izrade) EUROING d.o.o. sa sjedištem u ulici Mehmeda Džanića Lamela 1, 77 000 Bihać (u daljem tekstu: Izvršilac) kojeg zastupa Smail Nuhić s druge strane
Identifikacioni broj: 4263287210006

I Predmet Ugovora i cijena

Član 1.

Predmet ugovora je nabavka usluga izrade Projekta kanalizacione mreže čvorišta Sokolac – naselje Golubić u dužini od cca 3.000 m, a sve prema ponudi izvršioca usluga broj: SN – 15-11/18 od 14.12.2018. godine, koja je sastavni dio ovog ugovora.

Ovaj ugovor se zaključuje nakon provedenog postupka javne nabavke putem direktnog sporazuma u skladu sa Odlukom o dodjeli ugovora od 14.12.2018.godine.

Član 2.

Vrijednost ugovorenih usluga, a prema obrazcu za cijenu ponude koja je sastavni dio ovog ugovora iznosi: 6.000,00 KM (slovima: šest hiljada i 00/100 konvertibilnih maraka) bez obračunatog PDV-a, iznos PDV-a je 1.020,00 KM (slovima: hiljadudvadeset i 00/100 konvertibilnih maraka), što ukupno sa obračunatim PDV-om iznosi 7.020,00KM (slovima: sedam hiljadadvadeset i 00/100 konvertibilnih maraka).

Ponuda je dostavljena sa jediničnom cijenom izraženom u konvertibilnim markama, a cijene iz specifikacije su fiksne i ne mogu se mijenjati tokom trajanja ugovora.

II Rok izvršenja usluga i uslovi plaćanja

Član 3.

Izvršilac usluga se obavezuje izvršiti izradu projektne dokumentacije prema specifikaciji, u roku od 20 dana, od dana obostranog potpisa ugovora.

Izvršilac usluga će ispostaviti fakturu za izvršene usluge koje su predmet ovog ugovora. Ispostavljena faktura će biti izdana u skladu sa odredbama pozitivnih propisa iz oblasti poreza i članom 107. Pravilnika o primjeni Zakona o porezu na dodanu vrijednost („Službeni glasnik BiH“ broj. 93/05), u suprotnom neće biti plaćena, već će se vratiti izvršiocu na usklađivanje.

Naručilac usluga se obavezuje da će cijenu izvršenih usluga platiti virmanom, u roku od 30 (trideset) dana od dana dostave fakture na žiro račun izvršioca.

Član 4.

Izvršilac se obavezuje da će usluge iz člana 1. ovog ugovora izvršiti stručno, kvalitetno, u svemu prema važećim propisima i standardima za ovu vrstu usluga.

Član 5.

Izvršilac se obavezuje da će prije primopredaje ovlaštenom licu Naručioca omogućiti pregled predmeta izvršenih usluga po količini i kvaliteti.

Izvršilac se obavezuje da će otkloniti sve eventualne nedostatke koji budu utvrđeni prilikom pregleda.

III. Raskid ugovora, sporovi

Član 6.

Naručilac može raskinuti ovaj ugovor jednostrano u slijedećim slučajevima:

1. Ako Izvršilac bude kasnio sa izvršenjem usluga;
2. Ako Izvršilac bude mijenjao jedinične cijene iz obrazca za cijenu ponude.

Član 7.

Izvršilac usluga može raskinuti ovaj ugovor u slučaju da naručilac ne bude blagovremeno izvršavao svoje obaveze plaćanja, prema ispostavljenoj fakturi izvršioca usluga.

Član 8.

Ugovor se raskida pismenom izjavom, koja se dostavlja drugoj ugovornoj strani. U izjavi mora biti naveden razlog zbog kojeg se ugovor raskida.

Otkazni rok traje 30 (trideset) dana od dana dostavljanja pismene izjave o raskidu ovog ugovora.

IV Ostale odredbe

Član 9.

Sve izmjene ovog ugovora mogu se vršiti samo uz postignutu suglasnost ugovornih strana u skladu sa zakonom.

Član 10.

Ugovorne strane su suglasne da sve sporove koji nastaju tokom primjene ovog ugovora rješavaju sporazumno, u skladu sa odredbama Zakona o obligacionim odnosima.

Ako nastali spor ne bude riješen sporazumom, nadležan je Općinski sud u Bihaću.

Član 11.

Ovaj ugovor stupa na snagu danom obostranog potpisivanja.

Član 12.

Ovaj ugovor sačinjen je u 6 (šest) istovjetnih primjeraka od kojih isporučilac zadržava 2 (dva) primjerka, a naručilac 4 (četiri) primjerka.

Izvršilac
„Euroing“ d.o.o. Bihać
zastupan po direktoru
Smailu Nuhiću

Naručilac
JP „Aerodrom Bihać“
zastupan po direktoru
Elvedinu Sediću

Broj: _____
Bihać:

Broj: 1-23/18
Bihać: 18.12.2018.godine